

## Standard Ndërkombëtar i Kontabilitetit 10

# Ngjarjet pas datës së bilancit

*Ky version përfshin shtesat dhe ndryshimet të cilat rrjedhin nga SNRF-të e publikuara deri më datën 31 dhjetor 2006.*

SNK 10 *Ngjarjet pas datës së bilancit* u publikua nga Komiteti i Standardeve Ndërkombëtare të Kontabilitetit në maj të 1999-ës. Ai zëvendësoi ato pjesë të SNK 10 *Eventualitetet dhe ngjarjet që ndodhin pas datës së bilancit* (të publikuara për herë të parë në qershor të 1978-ës, të riformatura në 1994-ën) që nuk u zëvendësuan nga SNK 37 (i nxjerrë në shtator 1998).

Në prill 2001, Bordi i Standardeve Ndërkombëtare të Kontabilitetit (BSNK) ka vendosur që të gjitha standardet dhe interpretimet e publikuara sipas Akteve të mëparshme të vazhdojnë të jenë të zbatueshme derisa ato të ndryshohen apo të anulohen.

Në dhjetor 2004 BSNK publikoi një SNK 10 të rishikuar, me titullin e modifikuar —*Ngjarjet pas datës së bilancit*.

SNK 10 u amendua nga SNRF 5 *Aktivet Afatgjata që Mbahen për t'u Shitur dhe Operacionet jo të Vijueshme* (të publikuara në mars të 2004-së).

Interpretimet e mëposhtëme i referohen SNK 10:

- KIS-7 *Futja në përdorim e monedhes Euro* (e publikuar në maj 1998, ndryshuar në dhjetor 2003).

**PËRMBAJTJET***paragrafët*

<b>HYRJE</b>	<b>1–4</b>
<b>STANDARDI NDËRKOMBËTAR I KONTABILITETIT 10</b>	
<b><i>NGJARJET PAS DATËS SË BILANCIT</i></b>	
<b>OBJEKTIVI</b>	<b>1</b>
<b>OBJEKTI</b>	<b>2</b>
<b>PËRKUFIZIMET</b>	<b>3–7</b>
<b>NJOHJA DHE VLERËSIMI</b>	<b>8–13</b>
Korrigjimi i ngjarjeve pas datës së bilancit	8–9
Ngjarje që nuk korrigjohen pas datës së bilancit	10–11
Dividentët	12–13
<b>VIJIMËSIA</b>	<b>14–16</b>
<b>DHËNIE INFORMACIONESH SHPJEGUESE</b>	<b>17–22</b>
Data e autorizimit për botim	17–18
Përditësimi i informacioneve shpjeguese rreth kushteve në datën e bilancit	19–20
Ngjarje që nuk korrigjohen pas datës së bilancit	21–22
<b>DATA E HYRJES NË FUQI</b>	<b>23</b>
<b>TËRHEQJA E SNK 10 (E RISHIKUAR 1999)</b>	<b>24</b>
<b>Shtojcë</b>	
<b>Ndryshime të deklarimeve të tjera</b>	
<b>MIRATIMI I SNK 10 NGA BORDI</b>	
<b>BAZA PËR KONKLUSIONE</b>	

Standardi Nderkombetar i Kontabilitetit 10 *Ngjarje pas datës së bilancit* (SNK 10) përbëhet prej tekstit nga paragrafi 1–24 dhe Shtojca. Të gjithë paragrafët kanë të njëjtën rëndësi dhe ruajnë formatimin e Standardit sipas IASC kur ai u miratua nga BSNKSNK 10 duhet të lexohet në kontekstin e objektivit të tij dhe Bazës për konkluzione, *Parathënies së Standardeve Ndërkombëtare të Raportimit Financiar* dhe *Kuadrit për përgatitjen dhe paraqitjen e pasqyrave financiare*. SNK 8 *Politikat kontabël, Ndryshimet në vlerësimet kontabël dhe gabimet* jep një bazë për përzgjedhjen dhe aplikimin e politikave të kontabilitetit në mungesë të udhëzimeve specifike.

## Hyrje

- IN1 Standardi Ndërkombëtar i Kontabilitetit 10 *Ngjarje pas datës së bilancit* (SNK 10) zëvendëson SNK 10 *Ngjarje pas datës së bilancit* (i rishikuar në 1999) dhe duhet të zbatohet për periudhat vjetore që fillojnë më 1 janar 2005 ose pas kësaj date. Inkurajohet zbatimi para kësaj date.

### Arësytet për rishikimin e SNK 10

---

- IN2 Bordi i Standardeve Ndërkombëtare të Kontabilitetit hartoi këtë version të SNK 10 në kuadër të projektit të tij mbi Përmirësimin e Standardeve Ndërkombëtare të Kontabilitetit. Projekti u ndërmor pas kërkesave dhe kritikave të bëra në lidhje me standardet nga rregullatorët e letrave me vlerë, profesionistët kontabël dhe palët e tjera të interesuara. Objektivat e projektit ishin pakësimi ose eliminimi i alternativave, teprimeve dhe konflikteve brenda standardeve, shqyrtimi i disa çështjeve të lidhura me konvergencën dhe bërjen e disa përmirësimeve të tjera.
- IN3 Për SNK 10 objektivi kryesor i Bordit ishte një qartësim i kufizuar i kontabilitetit për dividendët e deklaruar pas datës së bilancit. Bordi nuk shqyrtoi përcaktimin bazë për kontabilizimin e ngjarjeve pas datës së bilancit, të përfshirë në SNK 10.

### Ndryshimet kryesore

---

- IN4 Ndryshimi kryesor nga versioni i mëparshëm i SNK 10 është një qartësim i kufizuar i paragrafëve 12 dhe 13 (paragrafët 11 dhe 12 të versionit të mëparshëm të SNK 10). Sic u rishikua, këto paragrafe theksojnë se nëse një njësi ekonomike deklaron dividendët pas datës së bilancit, ajo nuk do t'i njohë këto dividendë si pasiv në datën e bilancit.

# Standard Ndërkombetar i Kontabilitetit 10

## Ngjarje pas datës së bilancit

### Objektivi

- 1 Objektivi i këto Standardi është që të parashikojë:
- (a) kur duhet të korrigjojë pasqyrën e saj financiare një njësi ekonomike për ngjarjet pas datës së bilancit, dhe
  - (b) informacionin shpjegues që duhet të japë një njësi ekonomike rreth të dhënave kur janë autorizuar për publikim pasqyrat financiare dhe rreth ngjarjeve pas datës së bilancit.
- Standardi kërkon që një njësi ekonomike të mos përgatisë pasqyrat e saj financiare mbi një bazë vijimësie nëse ngjarjet pas datës së bilancit dëshmojnë se hipoteza e vijimësisë nuk është e përshtatshme.

### Objekti

- 2 Ky Standard do të zbatohet për kontabilizimin dhe dhënien e informacioneve shpjeguese të ngjarjeve pas datës së bilancit.

### Përkufizimet

- 3 Në këtë standard termit e mëposhtme janë përdorur me këto kuptime:
- Ngjarjet pas datës së bilancit* i referohen atyre ngjarjeve të favorshme dhe të pafavorshme që ndodhin ndërmjet datës së bilancit dhe datës kur janë autorizuar për publikim pasqyrat financiare. Janë identifikuar dy lloje ngjarjesh:
- (a) ngjarjet që deshmojnë për kushtet që ekzistonin në datën e bilancit (*korrigjimi i ngjarjeve pas datës së bilancit*); dhe
  - (a) ngjarjet që japin të dhëna për kushtet e krijuara pas datës së bilancit (*ngjarje të pakorrigjueshme pas datës së bilancit*);
- 4 Procesi i përfshirë në autorizimin e publikimit të pasqyrave financiare do të ndryshojë në varësi të strukturës drejtuese, kërkesave statutoire dhe procedurave të ndjekura në përgatitjen dhe përfundimin e pasqyrave financiare.
- 5 Në disa raste, një njësi ekonomike i kërket t'i paraqesë pasqyrat e saj financiare aksionerëve për miratim pas publikimit të pasqyrave financiare. Në raste të tilla pasqyrat financiare janë autorizuar për botim në datën e daljes, jo në datën kur aksionerët miratojnë pasqyrat financiare.

#### Shembull

Struktura drejtuese e një njësie ekonomike plotëson projekt-pasqyrat financiare për vitin deri më 31 dhjetor 20X1 më 28 shkurt 20X2. Më 18 mars 20X2, Bordi i Drejtorëve rishikon pasqyrat financiare dhe i autorizon ato për botim. Njësia ekonomike deklaron fitimin e saj dhe përzgjedh informacione të tjera financiare më 19 mars 20X2. Pasqyrat financiare i jepen aksionerëve dhe të tjerëve më 1 prill 20X2. Aksionerët miratojnë pasqyrat financiare në takimin e tyre vjetor më 15 maj 20X2 dhe më pas pasqyrat financiare të miratuara depozitohen në një strukturë rregullatore më 17 maj 20X2.

*Pasqyrat financiare autorizohen për botim më 18 mars 20X2, (data e autorizimit të Bordit të Drejtorëve për publikim).*

- 6 Në disa raste strukturës drejtuese të një njësie ekonomike i kërket t'ia paraqesë pasqyrat e saj financiare një bordi mbikqyrës (të përbërë vetëm nga jo-ekzekutivë) për miratim. Në raste të tilla, pasqyrat financiare autorizohen për publikim kur struktura drejtuese autorizon dhënien e tyre për bordin mbikqyrës.

**Shembull**

Më 18 mars 20X2, struktura drejtuese e njësisë ekonomike autorizon pasqyrat financiare për bordin mbikqyrës. Bordi mbikqyrës përbëhet vetëm prej personave jo-ekzekutivë dhe mund të përfshijë përfaqësues të punonjësve dhe të interesave të tjera të jashtme. Bordi mbikqyrës i miraton pasqyrat financiare më 26 mars 20X2. Pasqyrat financiare i bëhen të ditura aksionerëve dhe të tjerëve më 1 prill 20X2. Aksionerët miratojnë pasqyrat financiare në takimin e tyre vjetor më 15 maj 20X2 dhe më pas pasqyrat financiare i çohen një strukture rregullatore më 17 maj 20X2.

*Pasqyrat financiare autorizohen për botim më 18 mars 20X2, (data e autorizimit të strukturës drejtuese për dërgim në bordin mbikqyrës).*

- 7 Ngjarjet pas datës së bilancit përfshijnë të gjitha ngjarjet deri në datën kur janë autorizuar pasqyrat financiare, dhe në rast se ato ngjarje ndodhin pas deklarimit publik të fitimit ose të informacioneve të tjera të përzgjedhura financiare.

## Njohja dhe matja

### Korrigjimi i ngjarjeve pas datës së bilancit

- 8 Një njësi ekonomike do të korrigjojë shumat e njohura në pasqyrat e saj financiare për të reflektuar ngjarje të korrigjueshme pas datës së bilancit.
- 9 Më poshtë jepen shembuj të ngjarjeve pas datës së bilancit që i kërkojnë një njësi ekonomike të korrigjojë shumat e njohura në pasqyrat e saj financiare, ose të njohë zëra që nuk janë njohur më parë:
- (a) Shlyerja pas datës së bilancit të një çështje gjyqësore që konfirmon që një njësi ekonomike kishte një detyrim aktual në datën e bilancit. Njësia ekonomike korrigjon provizione të njohura më parë të lidhura me këtë çështje gjyqësore në përputhje me SNK 37 *Provizionet, Pasivet dhe Aktivet e kushtëzuara* ose të njohura si një provision i ri. Njësia ekonomike nuk jep vetëm informacion shpjegues për një pasiv të kushtëzuar pasi shlyerja jep prova shtesë që do të shqyrtohen në përputhje me paragrafin 16 të SNK 37.
  - (b) marrja e informacionit pas datës së bilancit që tregon se një aktiv është dëmtuar në datën e bilancit, ose që shumat e humbjes nga çvlerësimi i njohur më parë për atë aktiv duhet të korrigjohet, për shembull:
    - (i) falimentimi i një klienti, që ka ndodhur pas datës së bilancit, në përgjithësi konfirmon se një humbje ka ekzistuar në datën e bilancit të llogarive të arkëtueshme tregtare dhe se njësia ekonomike duhet të korrigjojë vlerën kontabël (neto) të llogarive të arkëtueshme tregtare; dhe
    - (ii) shitja e inventarëve pas datës së bilancit mund të japë të dhëna rreth vlerës së tyre neto të realizueshme në datën e bilancit.
  - (c) përcaktimi pas datës së bilancit i kostos së aktiveve të blera ose i të ardhurave nga shitja e aktiveve përpara datës së bilancit.
  - (d) përcaktimi pas datës së bilancit i shumës së fitimit nga aksionet ose te pagesave të shumave nëse njësia ekonomike kishte një detyrim aktual ligjor ose një detyrim konstruktiv në datën e bilancit për të bërë pagesa të tilla si rezultat i ngjarjeve pas asaj date (see SNK 19 *Përfitimet e punonjësve*).
  - (e) zbulimi i mashtrimeve dhe gabimeve që tregojnë se pasqyrat financiare janë të pasakta.

### Ngjarje që nuk korrigjohen pas datës së bilancit

- 10 Një njësi ekonomike nuk do të korrigjojë shumat e njohura në pasqyrat e saj financiare për të reflektuar ngjarje të pakorrigjueshme pas datës së bilancit.
- 11 Një shembull i ngjarjeve të pakorrigjueshme pas datës së bilancit është ulja e vlerës së tregut të investimeve ndërmjet datës së bilancit dhe datës kur janë autorizuar për nxjerrje pasqyrat financiare. Ulja e vlerës së tregut normalisht nuk lidhet me kushtet e investimeve në datën e bilancit, por reflekton rrethana që kanë dalë më pas. Si rezultat, një njësi ekonomike nuk i korrigjon shumat e njohura në pasqyrat e saj financiare për investime. Në të njëjtën mënyrë, njësia ekonomike nuk i përditëson shumat e dhëna për investime në datën e bilancit, megjithëse ajo mund të duhet të japë informacione shpjeguese shtesë sipas paragrafit 21.

## Dividentët

- 12 Një njësi ekonomike i deklaron dividentët mbajtësve të instrumentave të kapitalit neto (sic përcaktohet në SNK 32 *Instrumente financiare: Paraqitja*) pas datës së bilancit, njësi ekonomike nuk do t'i njohë këto dividentë si pasivë në datën e bilancit.
- 13 Njësi janë deklaruar dividentët (dmth dividentët janë autorizuar ashtu sic duhet dhe nuk janë më në diskrecionin e njësisë ekonomike) pas datës së bilancit, por para autorizimit për publikim të pasqyrave financiare, dividentët nuk njihen si pasivë në datën e bilancit pasi ata nuk plotësojnë kriteret për një detyrim aktual në SNK 37. Dividentë të tillë jepen në shënime, në përputhje me SNK 1 *Paraqitja e Pasqyrave Financiare*.

## Vijimësia

- 14 Një njësi ekonomike nuk do t'i përgatisë pasqyrat e saj financiare mbi një bazë vijimësie nëse struktura drejtuese përcakton se pas datës së bilancit ajo ose ka si qëllim të likuadojë njësinë ekonomike ose së ndalojë të tregëtuar, ose se ajo nuk ka alternativa të tjera reale.
- 15 Prishja e rezultateve operative dhe pozicioni financiar pas datës së bilancit mund të dëshmojnë nevojën për të shqyrtuar nëse supozimi i vijimësisë është ende i përshtatshëm. Njësi supozimi i vijimësisë nuk është më i përshtatshëm, efekti është kaq bindës saqë këtij standardi i duhen ndryshime bazë në bazën e kontabilitetit, dhe jo një korrigjim i shumave të njohura brenda bazës origjinale të kontabilitetit.
- 16 SNK 1 specifikon informacionin e kërkuar shpjegues nëse:
- (a) Pasqyrat financiare nuk janë përgatitur mbi një bazë vijimësie; ose
  - (b) Struktura menaxhuese është e ndërgjegjshme për pasiguritë materiale të lidhura me ngjarje ose kushte që mund të hedhin një dozë domethënëse dyshimi mbi aftësinë e një njësie ekonomike të vazhdojë në vijimësi. Ngjarjet ose kushtet që kërkojnë dhënie informacionesh shpjeguese mund të ndodhin pas datës së bilancit.

## Dhënia e informacioneve shpjeguese

### Data e autorizimit për publikim

- 17 Një njësi ekonomike jep informacion rreth datës kur janë autorizuar për publikim pasqyrat financiare dhe kush e ka dhënë autorizimin. Njësi pronarët ose persona të tjerë të njësisë ekonomike kanë kompetenca për të ndryshuar pasqyrat financiare pas publikimit, njësi ekonomike do të japë informacion rreth këtij fakti.
- 18 Është e rëndësishme për përdoruesit të dinë se kur janë autorizuar për publikim pasqyrat financiare, pasi pasqyrat financiare nuk reflektojnë ngjarje pas kësaj date.

### Përditësimi i informacioneve shpjeguese rreth kushteve të datën e bilancit

- 19 Njësi njësi ekonomike merr informacion pas datës së bilancit rreth kushteve që ekzistojnë në datën e bilancit, ajo duhet të përditësojë informacionet shpjeguese që lidhen me ato kushte sipas informacionit të ri.
- 20 Në disa raste, njësi ekonomike duhet të përditësojë informacionet shpjeguese në pasqyrat e saj financiare për të reflektuar informacionin e marrë pas datës së bilancit, dhe kur informacioni nuk prek shumën e njohura në pasqyrat e saj financiare. Një shembull i nevojës për të përditësuar informacionin shpjegues është kur ka prova të disponueshme pas datës së bilancit për një pasivë të kushtëzuar që ekzistonte në datën e bilancit. Përveç të shqyrtuarit nëse ajo njohë ose të ndryshojë një provizion sipas SNK 37, njësi ekonomike përditëson informacionet e saj shpjeguese rreth pasivit të kushtëzuar duke pasur si bazë këtë provë.

### Ngjarje që nuk korrigjohen pas datës së bilancit

- 21 Njësi ngjarje që nuk korrigjohen pas datës së bilancit janë materiale, mosdhënia e informacioneve shpjeguese mund të ketë ndikim mbi vendimet ekonomike të marra nga përdoruesit në bazë të pasqyrave

**financiare. Si rrjedhim, një njësi ekonomike jep informacionin e mëposhtëm shpjegues për secilën kategori materiale të ngjarjeve të pakorrigjueshme pas datës së bilancit:**

**(a) natyra e ngjarjes; dhe**

**(b) një vlerësim të efektit të saj financiar, ose një deklaratë që një vlerësim i tillë nuk mund të bëhet.**

22 Më poshtë jepen shembuj të ngjarjeve të pakorrigjueshme pas datës së bilancit, të cilat në përgjithësi do të rezultojnë në dhënie informacionesh shpjeguese:

- (a) një kombinim i madh biznesi pas datës së bilancit (SNRF 3 *Kombinime biznesi* kërkon informacione specifike shpjeguese në raste të tilla) ose disponimin e një filiali kryesor;
- (b) deklarimin e një plani për të ndërprerë një operacion;
- (c) blerje të mëdha aktivesh, klasifikim i aktiveve për shitje në përputhje me SNRF 5 *Aktivet Afatgjatë që Mbahen për t'u Shitur dhe Operacionet jo të Vijueshme*, cvlerësime të tjera në aktiveve ose shpronësim i aktiveve kryesore nga Qeveria;
- (d) shkatërrimi i një fabrike kryesore prodhimi nga zjarri pas datës së bilancit;
- (e) deklarimi ose fillimi i zbatimit të një ristrukturimi kryesor (shih SNK 37);
- (f) transaksione kryesore aksionesh të zakonshme dhe transaksione aksionesh të zakonshme potenciale pas datës së bilancit (SNK 33 *Fitimet për aksion* i kërkon një njësi ekonomike të japë informacion shpjegues në formën e një përshkrimi për transaksione të tilla, me përjashtim të rasteve kur transaksionet përfshijnë kapitalizime ose emetime falas (aksione, obligacione),, ndarje të aksionit ose ndarje të aksionit rezervë, të cilat të gjitha kërkojnë të korrigjohen sipas SNK 33);
- (g) ndryshime të mëdha anormale pas datës së bilancit në cmimet e aktiveve ose kurset e këmbimit të monedhave të huaja;
- (h) ndryshime në nivelin e tatimeve ose ligjet e tatimeve, të hyra në hyqi ose të deklaruara pas datës së bilancit, të cilat kanë një ndikim material mbi aktivet dhe pasivet aktuale për tatime ose aktivet dhe pasivet e shtyra (shih SNK 12 *Tatimet mbi të ardhurat*);
- (i) hyrja në angazhime të konsiderueshme ose detyrime eventuale, për shembull, duke dhënë garanci të konsiderueshme; dhe
- (j) fillimi i zgjidhjeve të konflikteve të mëdha të dala vetëm nga ngjarjet e ndodhura pas datës së bilancit.

## **Data e hyrjes në fuqi**

23 Një njësi ekonomike duhet të zbatojë këtë Standard për periudhat vjetore që fillojnë më datën 1 janar 2005 e në vijim. Inkurajohet zbatimi para kësaj date. Nëse një njësi ekonomike e zbaton këtë Standard për një periudhë që fillon përpara datës 1 janar 2005, ajo duhet të japë informacione shpjeguese për këtë fakt.

## **Tërheqja e SNK 10 (e rishikuar 1999)**

24 Ky Standard zëvendëson SNK 10 *Ngjarje pas datës së bilancit* (i rishikuar në 1999).



## **Shtojcë**

### **Ndryshimet të deklarimeve të tjera**

*Ndryshimet në këtë Shtojcë do të zbatohen për periudhat vjetore që fillojnë më 1 janar 2005 ose pas kësaj date. Nëse një njësi ekonomike e zbaton këtë Standard për një periudhë më të hershme, ndryshimet do të aplikohen për atë periudhë më të hershme.*

\* \* \* \* \*

*Ndryshimet që përmban kjo shtojcë, kur u rishikua ky Standard në vitin 2003, u përfshinë në deklaratat përkatëse të publikuara në këtë vëllim.*

## Miratimi i SNK 10 nga Bordi

---

Standardi Ndërkombetar i Kontabilitetit 10 *Ngjarje pas datës së bilancit* u miratua për publikim nga katërmëdhjetë anëtarët e Bordit të Standardeve Ndërkombetare të Kontabilitetit.

Z. David Tweedie

Kryetar

Thomas E Jones

Nën-kryetar

Mary E Barth

Hans-Georg Bruns

Anthony T Cope

Robert P Garnett

Gilbert Gélard

James J Leisenring

Warren J McGregor

Patricia L O'Malley

Harry K Schmid

John T Smith

Geoffrey Whittington

Tatsumi Yamada

# Baza për konkluzione për SNK 10 Ngjarjet pas Datës së Bilancit

*Kjo bazë për konkluzione shoqëron SNK 10, por nuk është pjesë e saj.*

## Hyrje

---

- BC1 Kjo bazë për konkluzione përmbledh shqyrtimet e Bordit të Standardeve Ndërkombëtare të Kontabilitetit për arritjen e përfundimeve për rishikimin e SNK 10 *Ngjarjet pas datës së bilancit* në 2003. Disa anëtarë të Bordit i dhanë më shumë rëndësi disa faktorëve se disa te tjerëve.
- BC2 Në korrik 2001, Bordi deklaroi se, si pjesë e axhendës së tij fillestare të projekteve teknike, do të ndërmernte një projekt për përmirësimin e një numri standardesh, përfshirë SNK 10. Projekti u ndërmor pas kërkesave dhe kritikave në lidhje me standardet, të bëra nga rregullatorët e letrave me vlerë, profesionistët kontabël dhe palët e tjera të interesuara. Objektivat e projektit të përmirësimeve ishin pakësimi ose eliminimi i alternativave, teprimeve dhe konflikteve brenda standardeve, shqyrtimi i disa çështjeve të lidhura me konvergjencën dhe bërja e disa përmirësimeve të tjera. Në maj 2002 Bordi botoi propozimet e tij në një projekt paraqitje të *Përmirësimeve të Standardeve Ndërkombëtare të Kontabilitetit*, me një afat përfundimtar për komentet në shtator të 2002. Boardi mori mbi 160 letra me komente për projekt paraqitjen.
- BC3 Për shkak se Bordi nuk kishte si qëllim të shqyrtonte qasjen bazë për kontabilitetin për ngjarje pas datës së bilancit të përcaktuar nga SNK 10, kjo bazë për konkluzione nuk diskuton kërkesat e SNK 10, të cilat nuk janë shqyrtuar nga Bordi.

## Sqarim i kufizuar

---

- BC4 Për këtë sqarim të kufizuar të SNK 10, ndryshimi kryesor i bërë është në paragrafët 12 dhe 13 (paragrafët 11 dhe 12 të versionit të mëparshëm të SNK 10). Sic u rishikua, këto paragrafe theksojnë se, nëse një njësi ekonomike deklaron dividendët pas datës së bilancit, njësi ekonomike nuk do t'i njohë ata dividendë si pasivë në datën e bilancit. Kjo për shkak se dividendët e padeklaruar nuk i plotësojnë kërkesat për një detyrim aktual në SNK 37 *Provizionet, Pasivet dhe Aktivët e Kushtëzuara*. Bordi diskutoi nëse eksperiencia e një njësie ekonomike në të shkuarën për pagimin e dividendëve mund të konsiderohet si detyrim konstruktiv. Bordi doli në përfundimin se praktika të tilla nuk japin arsye për një pasiv që të paguhen dividendët.

